

江門外東渡在縣東演武亭十五里下渡在東門

學前上渡在河嶺裏中渡在便民門外西渡在

縣西壇下銀渡在城西三十五里太平里甘渡在

城東五十里舊名大竹塘江渡在城北四十里長伯

鄉鵞坊渡在順化鄉謝志上南康以縣郭渡在上猶縣

南門外中渡在縣西半里上步渡在縣西五里

琴口渡在縣西五十里龍下渡在縣北邨二十里

北邨渡在縣東南十五里謝志上上猶以長潭渡在崇義

縣治北四十里廣木口渡在縣西四十里謝志上崇義以

橫浦橋在府城南門外元延祐閒建後改名平政明初

圯成化十四年知府張弼修復名橫浦橋張弼重建橫浦橋記橫浦橋南

安之襟喉天下之通道也其初無考自元至今修建大

畧具見郡志成化甲午毀於潦知府姚旭欲修而代去

江西通志卷八十津梁二

毛

章綸繼之將成即傾戊戌夏弼至詢成毀之故蓋山水
暴漲頓起數丈浮菹巨木蔽流而下撞擊橋墩勢逾萬
牛此所以難為功也況夫先為橋墩者疊石四周實以
沙土石所以何能為固又當橋之上流沙洲歲積高塞半
江水勢擁併益不可禦故隨成隨毀卒無成績弼鑒茲
弊先開沙洲使江面既闊而無擁併之險墩悉實以巨
石灌以石灰四周罅縫嵌以生鐵兩岸石埠與中流五
墩既成先架木為藪諺所謂喜鵲藪是也隨加巨梁梁
上加亭亭覆以瓦亭下護梁梁以石蓋南安以驢為
生非惟木不能當即輒臂亦不耐也亭有欄設為賈區
而收其入凡為亭三十間長三十丈闊一丈八尺較舊
高廣皆加三尺石惟用青木惟用杉舊有佛像鐵犀厭
勝具悉屏不用盡人力而不惑民志也凡賈區所收歲
供修葺持火有禁以防不虞經始於戊戌冬仲至明年
冬季始通行又三年始克悉完其費徵於前官募於民
而未徵者又益以梅嶺鹽稅民之屋於沙洲而阻江水
者撤之隄其岸為通濟街又歲役軍民數日以開沙洲
皆所以保此橋也尚賴後之守此土者加意焉亦郡之
要務也故不復牽綴後又為水決嘉靖七年知府呂律
文義而直書其實云

修葺改名平川

國朝康熙四十六年大庾知縣武承謨修乾隆七年知府